



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

26. SS. Joannes, & Paulus Martyres

[urn:nbn:de:hbz:466:1-52716](#)

XXVI. Junii. SS. Joannis & Pauli. 391

mur! O quām feliciter viveremus! O
quām & dulciter moreremur! Ut fiat,
& membra simus de tanta familia

Instructio meritaria.

Feria III. recitabimus Lytanias de
Consanguinitate Jesu, Mariæ, & Josephi,
& præsentes octo dies quotidiano actu
vel humilitatis, vel propriæ abnegatio-
nis, vel abstinentiæ, aut alterius virtu-
tis heroicæ transigamus, petitâ tamen
Patris spiritualis licentiâ. Quò genero-
sior devotio eò gloriofior. Jesus, Ma-
ria, & S. Josephus sat potentes sunt. Ut
quid parcimus pietati.

Festum SS. Martyrum Joannis,
& Pauli Patronorum contrà tempe-
states potentissimorum.

EXHORTATIUNCULA I.

O Viros gloriosos! Julianus aposto-
ta inter suos familiares invitat hoc
par nobile fratrum. Negant illi, liberè
protestantes, se nolle cum illo esse, qui
à Christo Jesu defecisset. An non hoc
est, ire in mortem cum Christo? Fili!
Quid nos egissemus? Vel quid agemus

R 4 im-

392 XXVI. Junii. SS. Joannis & Pauli.
impostorum, ubi standum pro Nominis
Dei?

Instructio meritoria.

Ne propter respectum humanum,
propter quem toties offenditur Deus
puniatur fulmine, aut grandine, aut incen-
diis, vel aquarum inundatione dul-
cis patria, recitemus *Litanias de omnibus Sanctis*. Orantibus parcunt elo-
menta.

II.

Quis Deus, & Dominus noster, quem
solum veneremur, timeamus, &
adoremus? Nonne Is ipse, de quo SS.
Joannes, & Paulus ad Terentianum di-
centes: *Si tuus est Dominus Iulianus
habeto pacem cum illo! Nobis alius non
est, nisi Dominus Jesus Christus.* Siquidem,
sic amor loquitur in Martyribus:
Quid autem in cordibus nostris?

Instructio meritoria.

Ut eandem Confessionem, & aqua-
lem reverentiam exhibeamus cœli, ter-
ræque Domino, quoties ingressi fueri-
mus cubiculum, flectentes præsentem
nobis Deum adoremus, ore venerabun-
do



XXVI. Junii. SS. Joannis & Pauli. 393
do salutantes : Ecce! Dominus meus, &
Deus meus! Centies millies Salve!

III.

Pretiosa mors Sanctorum! Mortem celare voluit impius apostata. At non potuit; quia ipsi dæmones prodiderunt ad sepulchrum Sanctorum Martyrum abacti ex corporibus possessorum. Non simus solliciti, dilecte! pro Nominne, & vita nostra! Est Deus in cœlo, qui defendet, si sancte finierimus. Et quis id non optabit? Benè finit, qui exemplariter vixit. Homo judicat secundūm visum; Deus quoad conscientiam. Hæc si bona, quid curamus hominum ora?

Instructio meritoria.

Abjiciamus curas inanes, & frivolas pro commoditatibus vitæ! Mortis recordemur! Hinc ad singulas noctes testamentum nocturnum ubique in libellis precatoriis inveniendum devotè præmitamus. Beatus, quem mors invenerit vigilantem! Mors prævenientibus amicus! Serovenientibus carnifex, & ty-
rannus.

R. 5

Fe-